

Հավելված N 1
ՀՀ կառավարության 2012 թվականի
օգոստոսի 16-ի N 1048 - Ն որոշման

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՅՈՒՂԱՏՆՏԵՍՈՒԹՅԱՆ
ՆԱԽԱՐԱՐՈՒԹՅՈՒՆ

Ծ Ր Ա Գ Ի Ր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀՈՂՕԳՏԱԳՈՐԾՈՂՆԵՐԻՆ 2012 ԹՎԱԿԱՆԻ
ԱՇՆԱՆ ՀԱՄԱՐ ՄԱՏՉԵԼԻ ԳՆԵՐՈՎ ԱԶՈՏԱԿԱՆ ՊԱՐԱՐՏԱՆՅՈՒԹԻ
ՁԵՌՔԲԵՐՄԱՆ ՆՊԱՏԱԿՈՎ ՊԵՏԱԿԱՆ ԱՋԱԿՑՈՒԹՅԱՆ

ԵՐԵՎԱՆ 2012

Ծ Ր Ա Գ Ի Ր

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀՈՂՕԳՏԱԳՈՐԾՈՂՆԵՐԻՆ 2012 ԹՎԱԿԱՆԻ
ԱՇՆԱՆ ՀԱՄԱՐ ՄԱՏՉԵԼԻ ԳՆԵՐՈՎ ԱԶՈՏԱԿԱՆ ՊԱՐԱՐՏԱՆՅՈՒԹԻ
ՁԵՌՔԲԵՐՄԱՆ ՆՊԱՏԱԿՈՎ ՊԵՏԱԿԱՆ ԱԶԱԿՑՈՒԹՅԱՆ

1. Ծրագրի նպատակն է աջակցել Հայաստանի Հանրապետության մարզերի հողօգտագործողներին մատչելի գներով ազոտական պարարտանյութի ձեռքբերման հարցում, նպաստել գյուղատնտեսական մթերքների արտադրության ծավալների և գյուղացիական տնտեսությունների եկամուտների ավելացմանը:

2. Հայաստանի Հանրապետության գյուղատնտեսության նախարարությունը՝

2.1. Պայմանագրային հիմունքներով 28.0 մլն դրամ է հատկացնում «Կոտայքի բերրիություն» բաց բաժնետիրական ընկերությանը 700 տոննա ազոտական պարարտանյութ «Ամոնիակային սելիտրա» (34,3% ազոտի պարունակությամբ) ձեռք բերելու և Հայաստանի Հանրապետության Արագածոտնի մարզին ամրագրված գնով վաճառելու համար:

2.2. Պայմանագրային հիմունքներով 7420,0 հազ. դրամ է հատկացնում «Կոտայքի բերրիություն» բաց բաժնետիրական ընկերությանը՝ 700 տոննա պարարտանյութի բեռնման և համայնքներ փոխադրման աշխատանքները կազմակերպելու նպատակով:

2.3. Պայմանագրային հիմունքներով 202200.0 հազ. դրամ է հատկացնում «Բերրիություն» ԱՄ-ի Մասիսի շրջանային միավորում» սահմանափակ պատասխանատվությամբ ընկերությանը (այսուհետ մատակարար)՝ 5000 տոննա ազոտական պարարտանյութ «Ամոնիակային սելիտրա» (34,3% ազոտի պարունակությամբ) ձեռք բերելու և Հայաստանի Հանրապետության մարզերի հողօգտագործողներին, Լեռնային Ղարաբաղի Հանրապետությանը ու Հայաստանի Հանրապետության գյուղատնտեսության նախարարության համակարգում գործող 4 կազմակերպություններին ծրագրում ամրագրված գնով վաճառելու համար:

2.4. Պայմանագրային հիմունքներով 32580,0 հազ. դրամ է հատկացնում «Բերրիություն» ԱՄ-ի Մասիսի շրջանային միավորում» սահմանափակ պատասխանատվությամբ ընկերությանը՝ ներմուծված պարարտանյութի բեռնման և համայնքներ փոխադրման աշխատանքները կազմակերպելու նպատակով:

3. Հայաստանի Հանրապետության մարզերում և Հայաստանի Հանրապետության գյուղատնտեսության նախարարության համակարգի կազմակերպություններում պարարտանյութի վաճառքն իրականացնելու համար հիմք ընդունել մարզպետների և կազմակերպությունների կողմից ներկայացված հայտերը՝ համաձայն N 1 աղյուսակի:

3.1. N 1 աղյուսակում նշված պարարտանյութի քանակությունը Հայաստանի Հանրապետության մարզերում ամբողջությամբ չվաճառվելու դեպքում մարզպետը 5-օրյա ժամկետում տեղեկատվություն է ներկայացնում Հայաստանի Հանրապետության գյուղատնտեսության նախարարություն՝ չիրացված պարարտանյութի խմբաքանակի վերաբերյալ:

3.2. Չիրացված պարարտանյութի խմբաքանակի՝ ըստ մարզերի վերաբաշխման իրավասությունը վերապահվում է Հայաստանի Հանրապետության գյուղատնտեսության նախարարությանը:

3.3. Հայաստանի Հանրապետության մարզպետները համայնքների ղեկավարների միջոցով ապահովում են պարարտանյութ գնել ցանկացող հողօգտագործողների ցուցակների կազմումը, ծրագրով նախատեսված գնով և քանակով գումարների հավաքագրումը: Պարարտանյութ ստացող հողօգտագործողների ցուցակները տրամադրվում և հավաքագրված գումարները փոխանցվում են «Բերրիություն» ԱՄ-ի Մասիսի շրջանային միավորում» սահմանափակ պատասխանատվությամբ ընկերությանը և «Կոտայքի բերրիություն» բաց բաժնետիրական ընկերությանը՝ համաձայն Հայաստանի Հանրապետության համապատասխան մարզպետի և «Բերրիություն» ԱՄ-ի Մասիսի շրջանային միավորում»

սահմանափակ պատասխանատվությամբ ընկերության կամ «Կոտայքի բերրիություն» բաց բաժնետիրական ընկերության միջև կնքված պայմանագրի: Պարարտանյութ ստացող հողօգտագործողների ցուցակների մեկ օրինակը Հայաստանի Հանրապետության մարզպետների կողմից ներկայացվում է Հայաստանի Հանրապետության գյուղատնտեսության նախարարություն:

4. Հայաստանի Հանրապետության համայնքներում պարարտանյութի վաճառքն իրականացնել՝ համաձայն Հայաստանի Հանրապետության մարզպետների կողմից հաստատված ցանկերի՝ հինք ընդունելով համայնքներում վերջին 3 տարիներին կատարված փաստացի ցանքերի և մշակվող բազմամյա տնկարկների տարածությունների միջին ցուցանիշը:

4.1. Ծրագիրը հաստատվելուց հետո 10-օրյա ժամկետում Հայաստանի Հանրապետության մարզպետներն իրենց կողմից հաստատված ցանկերը մատակարարին տրամադրելու համար ներկայացնում են Հայաստանի Հանրապետության գյուղատնտեսության նախարարություն՝ համաձայն N 1 ձևի:

4.2. Մարզպետների կողմից հաստատված ցանկով պարարտանյութը համայնքներում ամբողջությամբ չվաճառվելու դեպքում՝ 5-օրյա ժամկետում մարզպետի կողմից հաստատվում է չիրացված խմբաքանակի վերաբաշխման նոր ցանկ և ներկայացվում Հայաստանի Հանրապետության գյուղատնտեսության նախարարություն՝ մատակարարին ներկայացնելու համար:

4.3. Համայնքներում հողօգտագործողներին պարարտանյութի վաճառքն իրականացնելիս համայնքների ղեկավարների միջոցով մարզպետներն ապահովում են տեղեկատվության՝ համաձայն NN 2 և 3 ձևերի, հավաքագրումը և մինչև 2012 թվականի դեկտեմբերի 20-ը ներկայացնում Հայաստանի Հանրապետության գյուղատնտեսության նախարարություն:

5. Մատակարարը պարտավոր է՝

5.1. Հայաստանի Հանրապետություն ներմուծել 5000.0 տոննա ազոտական պարարտանյութ «Ամոնիակային սելիտրա» 34,3% ազոտի պարունակությամբ (այսուհետ՝ պարարտանյութ):

5.2. Պարարտանյութը մատակարարել համայնքներին՝ 50 կգ քաշով 1 պարկը 6000 դրամ արժեքով:

5.3. Պարարտանյութը մատակարարել համայնքներին՝ համաձայն մարզպետների կողմից հաստատված ցանկերի:

5.4. Հայաստանի Հանրապետության մարզերին հատկացված և Հայաստանի Հանրապետության մարզպետների կողմից ըստ համայնքների հաստատված ազոտական պարարտանյութի գումարների հավաքագրումն ամբողջությամբ չապահովելու դեպքում չիրացված պարարտանյութի քանակի համար տրամադրված սուբսիդիան ենթակա է վերադարձման Հայաստանի Հանրապետության պետական բյուջե՝ ծրագրի կատարման մասին հաշվետվությունները Հայաստանի Հանրապետության գյուղատնտեսության նախարարություն ներկայացնելուց հետո՝ 5 աշխատանքային օրվա ընթացքում:

5.5. Հայաստանի Հանրապետության կառավարության աշխատակազմ ներկայացնելու համար Հայաստանի Հանրապետության մարզերում 5000.0 տոննա պարարտանյութի վաճառքն ավարտելուց հետո մինչև 2012 թվականի դեկտեմբերի 20-ը Հայաստանի Հանրապետության գյուղատնտեսության նախարարություն ներկայացնել՝

5.5.1. հաշվետվություն ծրագրի կատարման մասին.

5.5.2. ֆինանսական հաշվետվություն:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ

Ձև N 1

Հաստատում եմ
ՀՀ _____ մարզպետ

_____ 2012 թ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ _____ ՄԱՐԶԻՆ
ՀԱՏԿԱՑՎԱԾ ԴԻԶԵԼԱՅԻՆ ՎԱՌԵԼԱՆՅՈՒԹԻ ՔԱՆԱԿԸ՝ ԸՍՏ ՀԱՄԱՅՆՔՆԵՐԻ

NN ը/կ	Համայնքը	Հատկացված ազոտական պարարտանյութի քանակը (տոննա)	Հատկացված ազոտական պարարտանյութի հավաքագրման ենթակա գումարը (դրամ)
1.			
2.			
3.			
4.			
5.			
6.			
7.			
8.			
Ընդամենը			

Ց Ա Ն Կ

ՀՀ _____ ՄԱՐԶԻ _____ ՀԱՄԱՅՆՔՈՒՄ
ՀՀ ՀՈՂՕԳՏԱԳՈՐԾՈՂՆԵՐԻՆ ՄԱՏՉԵԼԻ ԳՆԵՐՈՎ ԱԶՈՏԱԿԱՆ ՊԱՐԱՐՏԱ-
ՆՅՈՒԹԻ ԶԵՌՔԲԵՐՄԱՆ ՆՊԱՏԱԿՈՎ ՊԵՏԱԿԱՆ ԱՋԱԿՑՈՒԹՅԱՆ ԾՐԱԳՐԻ
ՇՐՋԱՆԱԿՆԵՐՈՒՄ ՊԱՐԱՐՏԱՆՅՈՒԹ ԳՆԱԾ ՇԱՀԱՌՈՒՆԵՐԻ

NN ը/կ	Անունը, ազգանունը, հայրանունը	Անձնագրի տվյալները	Գնված պարարտանյութի քանակը	Ստորագրությունը
	Ընդամենը			

Համայնքի ղեկավար

(ստորագրությունը) Կ.Տ.

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՄԱՐԶԵՐԻՆ ՀԱՏԿԱՑՎՈՂ
ՊԱՐԱՐՏԱՆՅՈՒԹԻ ՔԱՆԱԿՈՒԹՅՈՒՆԸ

Մարզերի և այլ ստացողների անվանումները	Պարարտանյութի հատկացվող քանակությունը (տոննա)
Արագածոտն	45,0
Արարատ	422,0
Արմավիր	497,0
Գեղարքունիք	1851,0
Լոռի	134,0
Կոտայք	0,0
Շիրակ	993,0
Սյունիք	497,0
Վայոց ձոր	202,0
Տավուշ	5,0
Լեռնային Ղախաբաղի Հանրապետություն	250,0
«Երկրագործության գիտական կենտրոն» ՊՈԱԿ	20,0
«Գյումրիի սելեկցիոն կայան» ՓԲԸ	70,0
«Բանջարաբուստանային և տեխնիկական մշակաբույսերի ԳԿ» ՊՈԱԿ	4,0
«Սերմերի գործակալություն» ՊՈԱԿ	10,0
Ընդամենը	5000.0

Հավելված N 2
 ՀՀ կառավարության 2012 թվականի
 օգոստոսի 16-ի N 1048 - Ն որոշման

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ 2012 ԹՎԱԿԱՆԻ ՊԵՏԱԿԱՆ ԲՅՈՒՋԵԻ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԻ N 4 ՀԱՎԵԼՎԱԾԻ N 1 ԱՂՅՈՒՍԱԿՈՒՄ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2011 ԹՎԱԿԱՆԻ ԴԵԿՏԵՄԲԵՐԻ 22-Ի N 1919-Ն ՈՐՈՇՄԱՆ N 1 ՀԱՎԵԼՎԱԾԻ N 1 ԱՂՅՈՒՍԱԿՈՒՄ ԿԱՏԱՐՎՈՂ ՓՈՓՈԽՈՒԹՅՈՒՆՆԵՐԸ

(հազ. դրամ)

Պետական բյուջեի դեֆիցիտի ֆինանսավորման աղբյուրներն ու դրանց տարրերի անվանումները	Բյուջետային մուտքերի ավելացումները նշված են դրական նշանով, իսկ բյուջետային ելքերի ավելացումները՝ փակագծերում	
	ինն ամիս	տարի
ԸՆԴԱՄԵՆԸ	-	-
այդ թվում՝		
Ա. Ներքին աղբյուրներ-ընդամենը	-	-
այդ թվում՝		
2.4. Վարկերի և փոխառվածությունների տրամադրում	(600,000.0)	(600,000.0)
«Բերրիություն» ԱՄ-ի Մասիսի շրջանային միավորում»ՍՊԸ	(600,000.0)	(600,000.0)
ՀՀ ֆինանսների նախարարություն	(600,000.0)	(600,000.0)
2.5. Տրամադրված վարկերի և փոխառվածությունների վերադարձից մուտքեր	-	600,000.0
որից՝		
«Բերրիություն» ԱՄ-ի Մասիսի շրջանային միավորում»ՍՊԸ	-	600,000.0
2.6. Այլ	600,000.0	-
Ժամանակավորապես ազատ միջոցներ	600,000.0	-

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
 ԿԱՌԱՎԱՐՈՒԹՅԱՆ ԱՇԽԱՏԱԿԱՋՄԻ
 ԴԵԿԱՎԱՐ

Դ. ՍԱՐԳՍՅԱՆ